

Ymgynghoriad 2023

Gorchymyn Diogelu Mannau Cyhoeddus (PSPO) ar gyfer Canol Tref y Rhyl

Rydym yn ymgynghori ar y bwriad i weithredu Gorchymyn Diogelu Mannau Cyhoeddus (PSPO) yng Nghanol Tref y Rhyl.

Bydd y PSPO hwn yn mynd i'r afael â'r broblem o unigolion a grwpiau'n yfed alcohol ac/neu'n ymddwyn mewn modd gwrthgymdeithasol ar stryd fawr y Rhyl.

Beth yw Gorchymyn Diogelu Mannau Cyhoeddus (PSPO)?

Mae PSPO yn gwahardd gweithgareddau neu ymddygiadau penodol y gellid eu hystyried yn rhai gwrthgymdeithasol mewn ardal ddaearyddol.

Fel arfer caiff gorchymyn ei wneud gan y Cyngor Sir Lleol a'i orfodi gan yr awdurdod Heddlu Lleol.

Gellir rhoi PSPO ar waith am gyfnod penodol, hyd at uchafswm o dair blynedd.

Pam mae arnom eisiau rhoi PSPO ar waith yng nghanol tref y Rhyl?

Mae lefelau uwch o ymddygiad gwrthgymdeithasol yng nghanol tref y Rhyl nac mewn ardaloedd eraill yn y dref. Mae'r ymddygiad gwrthgymdeithasol hwn yn annheg ac yn niweidiol i drigolion, busnesau ac ymwelwyr ag ardal y Stryd Fawr.

Mae dau Orchymyn Diogelu Mannau Cyhoeddus wedi'u cyflwyno yn y Rhyl yn y gorffennol

Cyflwynwyd y PSPO cyntaf gan y Cyngor yn 2016.

Ers 2016 rydym wedi gweithio'n galed gyda Heddlu Gogledd Cymru a phartneriaid eraill i sicrhau bod amrediad o fesurau yn eu lle ochr yn ochr â'r PSPO i gefnogi pobl a'u hatal rhag cyflawni ymddygiad gwrthgymdeithasol.

Mae'r mesurau hyn yn cynnwys:

- Cymorth a gwasanaethau arbenigol ar gyfer pobl â phroblemau camddefnyddio alcohol neu sylweddau.
- Ailagor Canolfan Ieuencid y Rhyl ar y promenâd.
- Cymorth dynodedig ar gyfer pobl ifanc fel rhan o'r cynllun ariannu Strydoedd Mwy Diogel.
- Prosiectau i helpu i atal pobl ifanc rhag mynd yn ddigartref

- Cyfarfodydd rheolaidd rhwng y Cyngor, Heddlu Gogledd Cymru a sefydliadau eraill i rannu materion, taclo problemau ar y cyd a dysgu o straeon o lwyddiant.

Drwy'r mesurau hyn llwyddwyd i ostwng ymddygiad gwrthgymdeithasol tua 25% ers cyflwyniad y PSPO cyntaf yn 2016.

Byddwn yn parhau i weithio'n galed gyda Heddlu Gogledd Cymru a sefydliadau eraill i fynd i wraidd yr hyn sy'n achosi ymddygiad gwrthgymdeithasol a rhwystro rhagor o ddigwyddiadau, fodd bynnag rydym yn credu bod Gorchmynion Diogelu Mannau Cyhoeddus fel teclyn i fynd i'r afael ag ymddygiad gwrthgymdeithasol yn hollbwysig i sicrhau bod canol tref y Rhyl yn lle diogel, croesawus a chynhwysol i bawb.

DRAFT

Beth ydym ni eisiau ei wybod?

Rydym eisiau gwybod beth ydych chi'n ei feddwl.

Mae copi llawn o'r PSPO arfaethedig ar y dudalen nesaf. Mae holiadur byr ar gael ar wefan y Cyngor.

Rydym eisiau i chi ddweud wrthym ni:


1. A ydych yn cytuno â'r bwriad i weithredu'r PSPO am gyfnod o dair blynedd
2. Os caiff y PSPO ei weithredu, a ydych yn cytuno y dylai fynd i'r afael ag ymddygiad gwrthgymdeithasol ac yfed ar y stryd.
3. Os caiff y PSPO ei weithredu, a ydych yn cytuno â'r ffiniau arfaethedig.

Byddem hefyd yn croesawu unrhyw sylwadau neu safbwyntiau sydd gennych chi.

Gallwch roi eich adborth yn un o'r ffyrdd canlynol:

1. Llenwi'r ffurflen adborth ar-lein trwy'r dolen canlynol:

<https://countyconversation.denbighshire.gov.uk/projectcy/745>



2. Llenwi fersiwn papur o'r ffurflen adborth a'i dychwelyd i unrhyw un o Lyfrgelloedd neu Siopau Un Alwad Cyngor Sir Ddinbych
3. E-bostio: corporateprogrammeoffice@denbighshire.gov.uk
4. Drwy'r Post: Swyddfa Rhaglenni Corfforaethol, Blwch Post 62. Rhuthun LL15 9AZ

Y dyddiad cau ar gyfer pob ymateb yw 21 Ionawr 2024

CYNGOR SIR DDINBYCH GORCHYMYN DIOGELU MANNAU CYHOEDDUS 2023

Deddf Ymddygiad Gwrthgymdeithasol, Trosedd a Phlisma 2014

(Pennod 2)

TREF Y RHYL

Wrth arfer ei bwerau o dan Adrannau 59, 63 a 72 Deddf Ymddygiad Gwrthgymdeithasol, Trosedd a Phlisma 2014 ("y Ddeddf") a'r holl bwerau galluogi eraill, mae'r Cyngor drwy hyn yn bwriadu wneud y Gorchymyn canlynol.

Mae'r tir a ddangosir ar y map sydd ynghlwm yn dir yn ardal y Cyngor y mae Deddf Ymddygiad Gwrthgymdeithasol, Trosedd a Phlisma 2014 yn berthnasol iddo ac a fydd yn cael ei ddiogelu drwy greu'r Gorchymyn (a elwir o hyn ymlaen yn "ardal a chyfyngiad penodol").

Gellir enwi'r Gorchymyn yn Orchymyn Diogelu Mannau Cyhoeddus Canol Tref y Rhyll sy'n dod i rym ar **[ychwanegu dyddiad]** am gyfnod o 3 blynedd

Mae'r Cyngor yn gwneud y Gorchymyn hwn gan fod yr ymddygiad gwrthgymdeithasol o fewn yr ardal a chyfyngiad penodol wedi cael effaith andwyol ar ansawdd bywyd y rhai sy'n byw yn lleol. Mae effaith, neu effaith debygol, yr ymddygiad y soniwyd amdano yn, neu'n debygol o fod, o natur barhaus, ac yn, neu'n debygol, o wneud y gweithgareddau'n afresymol, ac yn cyfiawnhau'r cyfyngiadau a bennir yn y Gorchymyn.

1. Ymddygiad Gwrthgymdeithasol

1.1 Gall person awdurdodedig ofyn i unigolyn, neu grŵp, o fewn yr ardal â chyfyngiad penodol wasgaru, lle maent yn amau'n rhesymegol bod unrhyw unigolyn neu grŵp yn achosi, neu'n debygol o achosi niwsans, pryder, aflonyddwch neu drallod i unrhyw berson arall.

1.2 Mae unigolyn sy'n cymryd rhan mewn ymddygiad gwrthgymdeithasol yn cael ei wahardd rhag aros (naill ai'n unigol neu mewn grwpiau o ddau neu fwy o bobl) o fewn yr ardal dan gyfyngiadau ar ôl i unigolyn ag awdurdod ofyn i'r grŵp wasgaru ac ni ddylent ddychwelyd am gyfnod penodedig o hyd at 48 awr.

1.3 Mae unigolyn yn cael ei wahardd rhag loetran mewn drysau siopau o fewn yr ardal
â chyfyngiadau, gyda'r pwrpas amlwg o achosi niwsans, aflonyddwch, pryder neu drallod.

1.4 Mae unigolyn yn cael ei wahardd rhag loetran mewn cyflwr o feddwdod neu
gan ymddwyn mewn modd sydd wedi'i achosi gan gyffuriau yn yr ardal â chyfyngiadau.

2. Yfed ar y stryd

2.1 Gwaherddir unigolyn rhag bod â chynhwysydd agored o alcohol yn ei feddiant mewn
man cyhoeddus (hyd yn oed os yw'n wag) o fewn yr ardal sydd wedi'i dynodi yn y PSPO.

2.2 Gwaherddir unigolyn rhag bod â chynhwysydd o alcohol heb ei agor yn eu meddiant mewn man cyhoeddus o fewn yr ardal â chyfyngiadau mewn amgylchiadau a fyddai'n arwain rhywun i amau'n rhesymol bod y cynhwysydd yn debygol o gael ei agor a'i yfed mewn man cyhoeddus o fewn yr ardal â chyfyngiadau.

2.3 Mae angen i unigolyn ildio unrhyw alcohol sydd yn eu meddiant os gofynnir iddynt wneud hynny gan berson ag awdurdod yn yr ardal â chyfyngiadau.

Unigolion ag awdurdod i orfodi'r Gorchymyn hwn - Swyddog Heddlu a Swyddog Cefnogi Cymuned yr Heddlu

Mae Adran 63 y Ddeddf Ymddygiad Gwrthgymdeithasol, Troseddu a Phlisma yn nodi os yw
Cwnstabl neu unigolyn ag awdurdod yn credu eich bod wedi torri'r Gorchymyn hwn, gall y
cwnstabl neu'r unigolyn ag awdurdod ofyn i chi gydymffurfio â'r darpariaethau a nodir ym
mharagraffau 1 a 2 uchod.

Trosedd

Mae unrhyw unigolion sydd ddim yn cydymffurfio â gwaharddiadau 1 a 2 uchod, heb esgus rhesymol, yn cyflawni trosedd.

Cosb

Bydd unrhyw un sy'n euog o drosedd yn ymwneud â methiant i gydymffurfio â gwaharddiadau 1-2 uchod yn agored i euogfarn ddiannod a dirwy.

Cosb Benodedig

Gall cwnstabl neu unigolyn awdurdodedig gyflwyno rhybudd cosb benodedig i unrhyw un y maent yn credu eu bod wedi cyflawni trosedd. Bydd gennych 14 diwrnod i dalu'r gosb benodedig. Ni fyddwch yn cael eich erlyn am y trosedd os byddwch yn talu'r gosb benodedig o fewn 14 diwrnod.

Apeliadau

Rhaid gwneud unrhyw her i'r Gorchymyn hwn yn yr Uchel Lys gan unigolyn â buddiant o fewn chwe wythnos o'i gyflwyno.

Unigolyn â buddiant yw rhywun s'n byw, gweithio neu'n ymweld yn rheolaidd ag ardal dan gyfyngiad. Mae hyn yn golygu mai dim ond y rhai hynny sydd wedi'u heffeithio'n uniongyrchol sydd â'r hawl i herio. Mae'r hawl i herio hefyd yn bodoli lle mae gorchymyn wedi'i amrywio gan y Cyngor. Gall unigolyn â buddiant herio dilysrwydd y Gorchymyn ar ddwy sail; nad oedd gan y Cyngor y pŵer i wneud y Gorchymyn neu i gynnwys gwaharddiadau neu ofynion penodol; neu na chydymffurfiwyd ag un o ofynion y ddeddfwriaeth, er enghraifft cynnal ymgynghoriad.

Pan wneir cais, gall yr Uchel Lys benderfynu atal gweithrediad y Gorchymyn dros dro nes bydd y Llys wedi gwneud penderfyniad, yn rhannol neu yn ei gyfanrwydd. Mae gan yr Uchel Lys y gallu i gynnal, dileu neu amrywio'r Gorchymyn

Dyddiedig: **[ychwanegu dyddiad]**

Gosodwyd Sêl Gyffredin Cyngor
Sir Ddinbych ym mhresenoldeb::

.....

Dyddiedig: _____

GOSODWCH Y SÊL YMA